

**ZAPISNIK SA  
IV (PROŠIRENE) SJEDNICE UPRAVNOG ODBORA  
UDRUŽENJA POSLODAVACA U FBiH**

**koja je održana dana 22.03.2023. godine (srijeda), sa početkom u 12:00 sati u Villa Ukus,  
(Industrijska zona Bukva bb) u Tešnju**

**Na sjednici su prisustvovali članovi Upravnog odbora:** Adnan Smailbegović, Nedžad Siočić, Nihad Imširović, Nijaz Skenderagić, Adem Hanić, Ladislav Bevanda, Samir Mustafić, Edin Jabandžić i Tomislav Majić.

**Na sjednici su po ovlaštenju članova UO prisustvovali:** Zoran Gazibarić (po ovlaštenju Kemala Čolaka), Igor Baroš (po ovlaštenju Envera Malagića), Samir Alić (po ovlaštenju Koepruner Snježane).

**Na sjednici nisu prisustvovali:** Edin Ibrahimpašić, Mujo Hasić, Predrag Čović, Behrija Huseinbegović, Damir Vidačak, Šejla Bojadžija, Rasim Memagić, Jadranka Penava i Džemal Hasković, koji su opravdali svoj izostanak.

**Ispred UP FBiH:** Mario Nenadić, direktor i Mersiha Jusić, sekretar

Sjednicu je otvorio Adnan Smailbegović, predsjednik Upravnog odbora Udruženja poslodavaca i predložio sljedeći:

**DNEVNI RED**

1. Usvajanje Zapisnika sa III sjednice Upravnog odbora UP FBiH;
2. Usvajanje zapisnika sa I vanredne on-line sjednice;
3. Donošenje Odluke o prioritetnim aktivnostima iz dokumenta „Šta poslodavci očekuju od vlasti“;
4. Inicijativa za stavljanje van snage Odluku o propisivanju mjere neposredne kontrole cijena utvrđivanjem maksimalne visine marži na pojedine osnovne životne namirnice i druge proizvode ("Sl. novine FBiH", br. 26/21 i 28/21);
5. Inicijativa za proširenje primjene granskih Kolektivnih ugovora za djelatnost tekstilne, kožarsko-prerađivačke, gumarske i industrije obuće u FBiH i za djelatnost hemije i nemetala u Federaciji, koje je potpisalo Udruženje poslodavaca FBiH;
6. Donošenje odluke o imenovanju Pravnog savjeta UP FBiH;
7. Donošenje Odluke o imenovanju Ekonomskog savjeta UP FBiH;
8. Usvajanje Odluka za održavanje XX redovne Skupštine Udruženja poslodavaca u FBiH;

- a) Odluka o utvrđivanju datumu i mjesta održavanja;
- b) Odluka o utvrđivanju dnevnog reda Skupštine;
- 9. Prezentacija projekta:
  - a) DARhiv
- 10. Tekuća pitanja

**Predloženi Dnevni red je jednoglasno usvojen.**

**RASPRAVLJANJE PO TAČKAMA DNEVNOG REDA:**

**TAČKA 1. Usvajanje zapisnika sa III sjednice**

Obzirom da nije bilo primjedbi na zapisnik Predsjednik UO je dao Zapisnik na glasanje.

**A.D. 1.1. Zapisnik sa III sjednice je jednoglasno usvojen.**

**TAČKA 2. Usvajanje zapisnika sa I vanredne on-line sjednice;**

Obzirom da nije bilo primjedbi na zapisnik Predsjednik UO je dao Zapisnik na glasanje.

**A.D. 1.1. Zapisnik sa I vanredne on-line sjednice je jednoglasno usvojen.**

**Predsjednik je predložio da se tačka 3. „Donošenje Odluke o prioritetnim aktivnostima iz dokumenta „Šta poslodavci očekuju od vlasti“; raspravlja posljednja obzirom da je opširna i kako bi mogli planirati vrijeme. Prijedlog predsjednika UO je jednoglasno usvojen.**

**TAČKA 4. Inicijativa za stavljanje van snage Odluku o propisivanju mjere neposredne kontrole cijena utvrđivanjem maksimalne visine marži na pojedine osnovne životne namirnice i druge proizvode ("Sl. novine FBiH", br. 26/21 i 28/21);**

Vezano za ovu tačku dnevnog reda predsjednik je upoznao prisutne da su članice iz oblasti trgovine i nafte dostavile inicijative za stavljanje van snage Odluke o propisivanju mjere neposredne kontrole cijena utvrđivanjem maksimalne visine marži na pojedine osnovne životne namirnice i druge proizvode i inicijativi za stavljanje van snage Odluke o propisivanju mjere neposredne kontrole cijena utvrđivanjem maksimalne visine marži na naftne derivate.

Članovi UO su učestvovali u raspravi i tom prilikom su naglasili da nema razloga da su ove odluke još uvijek na snazi jer su donijete uslijed poremećaja u kretanju i odnosima cijena kao rezultat globalne ekonomske krize uzrokovane pandemijom COVID-19, povećanom potražnjom, slabijom ponudom žitarica, poremećajima u snabdijevanju, itd. Također je naglašeno da su odluke potpuni populizam od strane Vlade te da ih inspekcije koriste za punjenje budžeta.

Nakon veoma otvorene rasprave doneseni su sljedeći zaključci:

**A.D. 4.1. Udruženje poslodavaca u FBiH će zatražiti sastanak sa premijerom Vlade FBiH i nadležnim federalnim ministrom trgovine kako bi se argumentovano tražilo stavljanje van snage navedene dvije odluke.**

**TAČKA 5. Inicijativa za proširenje primjene granskih Kolektivnih ugovora za djelatnost tekstilne, kožarsko-prerađivačke, gumarske i industrije obuće u FBiH i za djelatnost hemije i nemetala u Federaciji, koje je potpisalo Udruženje poslodavaca FBiH;**

Vezano za ovu tačku dnevnog reda predsjednik je upoznao prisutne o inicijativi za proširenje primjene granskih kolektivnih ugovora za djelatnost tekstilne, kožarsko-prerađivačke, gumarske i industrije obuće te za djelatnost hemije i nemetala, koje je potpisalo Udruženje poslodavaca FBiH. Naime, na osnovu člana 143. Zakona o radu FBiH, ministar rada i socijalne politike može proširiti primjenu granskog kolektivnog ugovora i na druge poslodavce koji nisu članovi Udruženja poslodavaca, potpisnice kolektivnog ugovora, za koje se ocjeni da postoji opravdan interes radi ostvarivanja ekonomske i socijalne politike u Federaciji u cilju osiguranja jednakih uslova rada. U navedenim kolektivnim ugovorima strane potpisnice su saglasne da se navedeni ugovori primjenjuju na sve kompanije iz tih djelatnosti bez obzira na strukturu vlasništva i bez obzira da li su ili nisu članice Udruženja poslodavaca FBiH, te je predložio da se Inicijativa dostavi ministru rada i socijalne politike FBiH.

Svi prisutni su se složili da je inicijativa i proširenje navedenih granskih kolektivnih ugovora u interesu strana potpisnica te da prijedlog predsjednika treba podržati.

Nakon glasanja donesen je sljedeći zaključak:

**A.D. 5.1. UO je jednoglasno donio Odluku o pokretanju inicijative za proširenje primjene granskih kolektivnih ugovora: Kolektivni ugovor za djelatnost tekstilne, kožarsko-prerađivačke, gumarske i industrije obuće u Federaciji BiH („Sl. novine Federacije BiH“ broj 101/22 ) i Kolektivni ugovor o pravima i obavezama poslodavaca i radnika za djelatnost hemije i nemetala u Federaciji BiH („Sl. novine Federacije BiH“ broj 103/22) ;**

**A.D. 5.2. Zadužuje se stručna služba da poduzme sve aktivnosti za realizaciju ove Odluke, odnosno da Inicijativu uputi resornom ministru za rad i socijalnu politiku;**

**TAČKA 6. Donošenje odluke o imenovanju Pravnog savjeta UP FBiH;**

**TAČKA 7. Donošenje Odluke o imenovanju Ekonomskog savjeta UP FBiH;**

Vezano za ove tačke dnevnog reda predsjednik je predložio da se o njima zajednički raspravlja.

Direktor UPFBiH je upoznao prisutne da su Pravni i Ekonomski savjet UPFBiH stalna tijela UPFBiH koji imaju zadatak da kontinuirano prate i analiziraju pitanja iz oblasti ekonomije, odnosno propise iz oblasti finansija, ali i ostale propise koje se odnose ili utiču na rad poslodavaca; daje mišljenja na nacрте propisa i drugih akata koji su od velikog interesa za poslodavce te na osnovu zahtjeva članica pripremaju inicijative za donošenje novih ili izmjene i dopune važećih propisa radi stvaranja povoljnijeg poslovnog ambijenta.

Predlaže se da se na osnovu dostavljenih prijedloga u Pravni i Ekonomski savjet imenuje po po 11 članova.

Nakon rasprave doneseni su sljedeći zaključci:

**A.D. 6.1. UO je jednoglasno donio Odluku da se u Pravni savjet UP FBiH imenuje:**

1. Željko Marjanović, AUTO CESTE d.d. Mostar
2. Benaris Dedić, Centrotrans d.d. Sarajevo
3. Alma Jašarević, Sisecam d.o.o. Lukavac
4. Nedžad Čongo, BH Telecom d.d. Sarajevo
5. Darko Josipović, Sarajevski Kisejak
6. Ante Pehar, Ledo d.o.o. Čitluk
7. Mehmedalija Zagorica, Merkator/Konzum Sarajevo
8. Esad Pelidija AS GROUP
9. Rešad Behlulović, Alma Ras
10. Samir Alić, GS TMT Travnik
11. Frano Medić, Feal d.o.o. Široki Brijeg

**Za predjedavajućeg Pravnog Savjeta imenuje se Željko Marjanović.**

**A.D. 7.1. UO je jednoglasno donio Odluku da se u Ekonomski savjet UP FBiH imenuje:**

1. Mubera Brković, PWC, Sarajevo
2. Bahra Huseinbegović, Makama d.o.o. Bugojno
3. Zehra Obralija, Tvornica cementa Kakanj d.d. KAKANJ
4. Snježana Koepruner, GSTMT Travnik
5. Damir Vidačak, Asocijacija poduzetnika Hercegovine, Mostar
6. Sadeta Abduzaimović-Filipović Ataco d.o.o. Mostar
7. Irma Mustafić, Mann+Hummel d.o.o. Tešanj
8. Admira Isaković, DM Sarajevo

9. Rijad Hasić, TMD Gradačac
10. Edin Ibrahimović, Bingo d.o.o. Tuzla
11. Nedeljka Bilić, Konzum d.o.o.

**Za predjedavajuću Ekonomskog Savjeta imenuje se Mubera Brković.**

**TAČKA 8. Usvajanje Odluka za održavanje XX redovne Skupštine Udruženja poslodavaca u FBiH:**

- a) Odluka o utvrđivanju datumu i mjesta održavanja;
- b) Odluka o utvrđivanju dnevnog reda Skupštine;

Vezao za ovu tačku dnevnog reda Predsjednik je upoznao prisutne da je shodno Statutu potrebno donijeti Odluku o utvrđivanju datuma i mjesta održavanja i prijedloga dnevnog reda za XX redovnu Skupštinu.

O prijedlogu mjestu i vremenu održavanja Skupštine predsjednik je upoznao prisutne te otvorio raspravu.

Nakon diskusije donesen je sljedeći zaključak:

**A.D.8a.1. UO je jednoglasno donio Odluku o utvrđivanju datuma i mjesta održavanja XX redovne Skupštine Udruženja poslodavaca u FBiH kojom se za održavanje Skupštine utvrđuje datum 25.04.2023. godine (utorak) sa početkom u 12:00 sati a mjesto Zenica.**

**A.D. 8a.2. Ovlašćuje se Predsjednik UO da u saradnji sa direktorom Udruženja poslodavaca u FBiH odredi mjesto/prostor održavanja Skupštine.**

**A.D. 8b. 1. Upravni odbor je jednoglasno usvojio Odluku o prijedlogu dnevnog reda za XX redovnu Skupštinu UP FBiH. Za Skupštinu se predlaže sljedeći Dnevni red:**

1. Izbor verifikacione komisije, zapisničara i ovjerivača zapisnika;
2. Razmatranje i usvajanje zapisnika sa XIX redovne izborne Skupštine UP FBiH;
3. Razmatranje i usvajanje;
  - a) Prijedloga Izvještaja o radu UP FBiH za 2022. godinu (izvjestilac: Adnan Smailbegović, predsjednik UO);
  - b) Prijedloga Finansijskog izvještaja UPFBiH za 2022. godinu, (izvjestilac: direktor UP FBiH);
  - c) Prijedloga Izvještaj o radu ESV- a za teritoriju FBiH 2022. godinu, (izvjestilac: Adnan Smailbegović, predsjednik UO);
  - d) Prijedloga Plana rada UP FBiH za 2023. godinu, (izvjestilac Adnan Smailbegović, predsjednik UO);
  - e) Prijedloga Finansijskog plana UPFBiH za 2023. godinu, (izvjestilac: direktor UP FBiH);

**4. Tekuća pitanja**

**Tačka 3. Donošenje Odluke o prioritetnim aktivnostima iz dokumenta „Šta poslodavci očekuju od vlasti“;**

U okviru ove tačke dnevnog reda predsjednik UO Adnan Smailbegović predstavio je prioritetne aktivnosti iz dokumenta "Šta poslodavci očekuju od vlasti".: Kada je u pitanju nivo BiH aktivnosti se, između ostalog, odnose na izmjene Zakona o javnim nabavkama i Zakona o strancima, izmjene Odluke o uvjetima i postupku ostvarivanja prava na oslobođanje od plaćanja uvoznih i izvoznih dažbina, donošenje odluke kojom će se regulisati korištenje šume od strane domaćih privrednika, omogućavanje socijalnim partnerima učesće u izradi i donošenju zakonskih i podzakonskih akata koji su od interesa za poslodavce, na svim nivoima vlasti, te na usvajanje zakona koje je pripremila UPFBiH.

Vezano za jivo FBiH predsjednik je naglasio da su prioritetne aktivnosti odnose na sljedeće: Zakon o izmjenama i dopunama zakona o Poreznoj upravi, Zakon o izmjenama i dopunama zakona o fiskalnim sistemima, Zakon o izmjenama i dopunama Zakona o privatizaciji, Zakon o doprinosima, Zakon o porezu na dohodak, Zakon o izmjenama i dopunama zakona o porezu na dobit.

Članovi su naglasili da se broj parafiskalnih nameta, umjesto da se smanjuje, svakodnevno povećava, što opet dokazuje maćehinski odnos vlasti prema bh. privredi, te da je neophodno pripremiti strategiju kako bi se hitno djelovalo na smanjenju parafiskalnih i ostalih bezrazložnih i neosnovanih davanja državi. Gorući problem i dalje ostaje nedostatak radne snage. Poslodavci su iskazali razočarenje zbog nesluha politike i neuvršćavanja Prijedloga zakona o izmjeni i dopuni Zakona o doprinosima FBiH i Prijedloga zakona o dopuni Zakona o porezu na dohodak FBiH na dnevni red prošle sjednice Zastupničkog doma PFBiH, a čijim usvajanjem bi se dala mogućnost za brzo povećanje plaća zaposlenih u realnom sektoru do 400 KM. Odugovlačenje sa „suočavanjem“ sa realnošću nemotiviranosti radnika za rad u BiH, destimulativni radni uvjeti i pad standarda , sigurno je da će doprinijeti daljnjem odlivu radne snage i usložnjavanjem stanja na tržištu .

Svi prisutni su se složili da se pored navedenih prioritetnih aktivnosti koje su dostavljene uz materijale treba uvrstiti i sljedeće:

- Propisi iz oblasti ekonomsko-socijalnog dijaloga na svim nivoima
- Zakon o inspekcijama
- Zakon o ustupanju radnika
- Zakon o radu studenata (kroz Zakon o radu)
- Zakon o posredovanju u zapošljavanju i socijanoj sigurnosti nezaposlenih osoba
- Zakon o zdravstvenom osiguranju

Nakon veoma otvorene rasprave donesen je sljedeći zaključak:

**A.D. 3.1. Odluka o prioritetnim aktivnostima je usvojena uz obavezu da se u prioritetne aktivnosti daju i inicijative za izmjene sljedećih zakona: Propisi iz oblasti ekonomsko-socijalnog dijaloga na svim nivoima, Zakon o inspekcijama, Zakon o ustupanju radnika, Zakon o radu studenata (kroz zakon o radu), Zakon o posredovanju u zapošljavanju i socijanoj sigurnosti nezaposlenih osoba i Zakon o zdravstvenom osiguranju.**

#### **TAČKA 9. Presentacija projekta DArhiv**

Članovima su od strane novpe članice Udruženja DArhiv, prezentovane i usluge DArhiv, jedinstvenog rješenja za poslove ulazne i izlazne pošte, organizaciju i praćenje sjednica sa arhiviranim svim materijalima, upravljanje ugovorima o radu, rješenje koje obuhvata planiranje i korištenje godišnjih odmora, rješenje za upravljanje procesom odobravanja i plaćanja ulaznih računa, usaglašavanje ugovora između više učesnika s evidencijom svih verzija ugovora, kao i rješenje za organizaciju i praćenje realizacije službenih dokumenata.

#### **TAČKA 10. Tekuća pitanja**

Pod tekućim pitanjima nije bilo rasprave.

Sjednica je završena u 14:30

Zapisnik sačinila: Mersiha Jusić

PREDSJEDNIK UPRAVNOG ODBORA

Adnan Smailbegović